

時之鳥、同響而異音。白鶴舞汀、紺鳬戲水。振翼如鈴、吐音玉響。松風懸琴、砥浪調鼓。五音爭奏、天韻八德。澹々自貯、霧帳雲幕。時々難陀之羣巖、星燈電炬。數々普香之把束、見池中圓月。知普賢之鏡智、仰空裏慧。日覺遍智之在我、託此勝地。聊建伽藍、名曰神宮寺。住此修道、荏苒四祀。七年四月更移住北涯、四望無尋。沙場可愛、異華之色。難名驚目、奇香之臭。叵尋悅意、靈仙不知何去。神人髣髴如存、忿歲精之無記。惜王侯之不遊、思餓虎而不遇。訪子喬而適去、觀華藏於心海。念實相於眉山、蘊蘿遮寒蔭葉。避暑喫菜、喫水樂在中。乍乍乍子出塵外、九臯鶴聲易達于天。去延曆中、栢原皇帝聞之便任上野國講師。利他有時、虛心逐物。又建立華嚴精舍於都賀郡城山、就此往彼利物弘道去大同二年。國有陽九州司令法師祈雨、師則上補陀洛山祈禱。應時甘雨霧靄、百穀豐登。所有佛業不能縷說。咨日車難駐、人間易變。從心忽至、四蛇虛羸。攝誘是務、能事畢。前下野伊博士公與法師善、秩滿入京。于時法師歎勝境之無記、要屬文於余筆。伊公與余故、固辭不免。課虛抽毫、乃爲銘曰。

鷄黃裂地、粹氣昇天。蟾鳥運轉、萬類躋闐。山海錯峙、幽明殊阡。俗波生滅、真水道先。一塵構嶽、一滴深湖。埃涓委聚、畫飾神都。嶺岑不梯、鸞鷲無圖。醴々雪嶺、曷囑誰廬。沙門勝道、竹操松柯。仰之正覺、誦之達摩。歸依觀音、禮拜釋迦。殉道斗藪、直入嵯峨。龍跳絕巘、鳳舉經過。神明威護、歷覽山河。山也、崕嶧、水也。泓澄、綸華灼々。異鳥嚶々、地籟天籟。如筑如築、異人乍浴。音樂時鳴、一覽消憂。百煩自休、人間莫比。天上寧儔、孫興鄉筆。郭詞豈周、咄哉同志。何不優遊弘仁之年、敦祥之歲。月次壯朔三十之癸酉也。人之相知不必在對面久話、意通則傾蓋之遇也。余與道公生年不相見、幸因伊博士公聞其情素之雅致、兼蒙請洛山之記。余不才、當仁人不敢辭讓。輒抽拙詞並書絹素上、詞翰俱弱、深恐玄之猶白。寄以瓦礫表其情至、百年之下、莫忘相憶耳。西岳沙門遍照金剛題。

〔廻國雜記〕日光山にのぼりてよめる、又昔は二荒山といふとなん。

雲霧もおよばで高き山のはにわきて照そふ日の光かな。此山にや、山菅の橋とて深秘の子細